

12 FAMIA LO CELEBRA UN PASCO FELIZ

10 MIL HENDE A BISHITA CAYA BETICO; CAYA A HASI COMEBACK DEN GRAN FORMA AWOR CU A HABRI BEK PA AUTO

Den fin di siman, Centro di Ciudad, Caya Betico a rementa di hende y auto. Pabien na pueblo henter y na Gobierno cu a kita e tram y kita e parkeer. Autonan a para tur parti y tur cos a bay bon. Parkeer meter ta just un locura y innecesario cu ta molestia y stroba e area.

Pabien na Comerciantenan, Pueblo, y na Promer Minister Evelyn Wever Croes cu a tuma decision pa habri caya bek y pone e tram na segundo lugar.



MANDATARIO DI ENSEÑANSA Y DEPORTE A REUNI CU REPRESENTANTENAN DI MAYORNAN PREOCUPA



Tres turista deteni na Airbnb na Sombre, un lo a wordo hinka




Kia Sportage a perde control y bay dal contra un kashi di coriente



Chauffeur intoxica pa alcohol a dal 4 auto staciona na banda di caminda



Motociclista ta accidenta su so na Piedra Plat




Piedra Plat - Diasabra pasa di mey anochi algo prome cu 12:30 polis a bay altura di un tire shop na Piedra Plat, unda un motociclista a accidenta.

Na yegada polis a haya un dama ariba caminda y a constata cu e tawata herida.

Agentenan a pidi pa un ambulance.

Aparentemente e dama lo a accidenta so so cu un brommer of lo tawata ariba un brommer cu otro persona y e la cay.

Na yegada di Paramediconan nan a lant'e y a transporte pa Hospitaal, mester bisa cu e tawata musta ok locual ta importante.



Pasco anochi chauffeur di un Kia Cerato a subi algun baranca cu su auto



Seroe Alejandro: Pasco anochi, algo pasa di 9'or, un Kia Cerato maneha pa un cabayero tabata riba e caminda di Seroe Alejandro pa Savaneta y pa un of otro motibo a perde control, a baha caminda y a subi algun baranca cu su auto. E chauffeur lo a keda levemente herida y mesora a pidi pa presencia di ambulance y polis na e

sitio.

Polis a yega prome na e sitio y enberdad a nota cu e chauffeur tabata herida, nan a pidi pa ambulance bin controla e chauffeur. Na yegada personal di ambulance a controla e chauffeur. Takelwagen a wordo pidi pa hala e auto for di riba e barancanan y hibe for di e sitio.



Iglesianan Cristian di Aruba (ICA)

Matrimonio di Mesun Sexo

Un Asunto di Moralidad No di Igualdad

Recientemente por a tuma nota cu lidernan religioso di casi tur denominacion a vocifera nan desacuerdo cu veredicto di corte di apelacion cu lo haci matrimonio di mesun sexo legal na Aruba. Tambe nos por a tuma nota di algun politico cu a laga sa cu nan ta di acuerdo cu matrimonio di mesun sexo. Lidernan religioso kier a laga pueblo di Aruba sa cu ta un cantidad masha chikito di persona ta homosexual den cualkier comunidad. Esaki ta varia entre 2 pa 5% di e poblacion pero e lgbt lobby ta promove nan agenda asina agresivo cu hasta medionan di prensa

y algun empresa rond di mundo a cuminsa sostene nan ideologia. Esaki ta duna hende e impresion cu ta hopi mas hende ta homosexual. Na december 2022 tin solamente 33 di e 195 pais den mundo na unda matrimonio di mesun sexo ta legal. Kiermen un gran mayoria pais den mundo no ta reconoce matrimonio di mesun sexo.

Accion di firma

Corte Europeo pa Derecho Humano a determina cu matrimonio no ta un derecho humano pa parehanan di mesun sexo. Cuotropalabra matrimonio pa parehanan di mesun



sexo no ta un asunto di igualdad sino di moralidad. Corte di apelacion a sinta riba stoel di legislador cu e veredicto aki. Con pueblo por responde na e veredicto di corte di apelacion? No ta corte tin e unltimo palabra. Ta pueblo di Aruba y su representantenan den Parlamento tin e ultimo palabra. Corte di apelacion tabata obliga di duna Pais

Aruba oportunidad pa hiba e caso aki casacion. Pesey tin un accion di firma na e momento aki pa kita tur duda kico opinion di pueblo di Aruba ta tocante matrimonio di mesun sexo. Lidernan religioso di practicamente tur denominacion aki na Aruba ta haci un yamada na henter pueblo pa firma e lista contra matrimonio

di mesun sexo cu ta suplica gobierno pa hiba e caso casacion. Esaki no ta un asunto di igualdad sino di moralidad.

Por firma en persona na bo iglesia, tambe por firma online. Cada ciudadano por firma un biaha so. Pa firma online bay na www.bit.ly/YenaEPetition awe mes.

Polis a detene chauffeur ariba Pasco



Paradera - Pasco merdia durante cu polisnan a bay atende cu boksmento cu por poco a sali for di man, un poco mas pabou a topa cu un Suzuki Swift.

Na stuur tawata un cabayero.

E agente a bay controla e persona, posiblemente debi na e manera cu tawata core. Por a mira e agente a papia algun rato cu ne, y despues

di un rato transportwagen a yega.

Por a mira e chauffeur baha for di auto y cana subi e transportwagen, e cabay no tawata muestra bebi y no tawata den boei.

Den casonan manera esaki, tin biaha pa siguridad den trafico y di e chauffeur mes polis sa hiba e persona bah'e na su cas.



Accidente pa falta di preferencia pero e chauffeur cu preferencia no kier a warda riba polis y a bay



Diadomingo madruga a drenta informe di un accidente unda posiblemente un chauffeur lo ta bao influencia na e cruzada Emmastraat/J.G. Emanstraat, mesora a dirigi un patruya na e sitio. Na yegada di e patruya a bin compronde cu e chauffeur cu un di e chauffeurnan no kier a


warda riba polis y a bandona e sitio.

Pa locual ta e accidente mesa aki ta trata di un auto Mitsubishi bayendo zuid den Emmastraat no a duna preferencia na e Toyota bayendo pariba den J.G. Emastraat.



Debi na e impacto e bumper di e Toyota a cay pero e chauffeur a coy su bumper y bandona e sitio. Afortunadamente ningun hende a resulta herida.

Pasco anochi, auto a dal un homber di e edad y a bay lag'e herida atras riba caminda



Sabana Liber:
Pasco den careda di 8'or di anochi riba e caminda di Sabana Liber un auto a dal un peaton y a bay lag'e herida atras riba caminda. E victima tabata un homber di edad. Testigonan di e hit and run mesora a bati alarma.

Polis hopi lihe a yega na e sitio y a cera e caminda.

Polis a tuma declaracion di e testigonna cu a mira kiko a pasa.

Ambulance a presenta na e sitio y despues cu e paramediconan a prepara e victima, nan a transport'e cu urgencia pa hospital. E caso di hit and run aki ta den man di polis y ta bou investigacion.



Turista cu auto di huur a core tras di tourbus cu a maniobra dal su auto na Alto Vista



Diadomingo merdia a drenta informe di un problema di pleitamento na Alto Vista, mesora a dirigi un patruya na e sitio. Na yegada di e patruya a bin compronde cu aki ta trata di cu un tourbus maniobrando banda di Kapel di Alto Vista lo a mishi cu e auto di huur di e turista y a sali bay.

E turista a bay tras di

tourbus y despues di un distancia basta largo casi yegando Turibana a logra par'e.

Eynan polis a compronde for di e chauffeur di e tourbus cu e no a dal e auto di e turista, pero polis observando e daño a compara e slanan maske e daño ta minimo toch a keda comproba e accidente.



Chauffeur intoxica pa alcohol a dal 4 auto staciona na banda di caminda



Kamerlingh Onnesstraat/ Tanki Leendert - Diabierna anochi algo pasa di 9'or polis a bay unda e snack trucknan ta staciona ariba e caminda di Solito pa Tanki Leendert, eynan un accidente a sosode y lo tin hende herida.

Na prome instante a pensa cu un persona lo a bira malo tras di stuur y baha caminda dal 4 auto.

Pero, a resulta cu e

chauffeur tawata hopi burachi cu di baina e por a para ariba su pia. Despues di a dal 4 auto staciona pariba di caminda, e la drenta un caminda di tera y para eyden.

Polisnan a bay cerca dje y mesora a nota cu e homber ta bastante bebi.

A pidi transportwagen y tambe Alco Sensor.

Na e sitio mayoria hende



tawata bezig buscando cumida y ta wordo sorprendi pa un Toyota Rav shinishi biniendo di zuid y ta dal 4 auto.

Den e mesun rosea, e chauffeur aki por a dal varios hende mata,

mirando cu ta un area unda ta bende cuminda y hendenan ta cana rond y otronan ta para na nan auto ta warda nan pedido.

Ora e yega e momento pa supla e homber no por a haci esaki tampoco, e la

wordo deteni y transporta pa warda di Playa.

Daña material na e vehiculonan ta bastante, esun cu a haya mas daño material ta un Hyundai Accent.


Polis a haya auto cu a causa e accidente y a detene e dama chauffeur burachi



Diasabra anochi despues di a atende un accidente hit & run a sali bay na Washington unda e auto ta registra y a bin encontra cu e vehiculo Hyundai i10. Ademas a haya e dama

chauffeur y ora a pone supla ela surpasa e limite permiti y a detene.

Polis a bay cu e dama warda di polis.



Informe di cas na candela a bin resulta un candela na un stove cu leakmento di gas



Diadomingo merdia a drenta informe di un cas na candela na Sero Patrishi, mesora a dirigi tanto polis como bomberonan na e sitio. Na caminda pa e sitio a drenta un otro informe di cu aki no ta trata di un cas na candela pero di un

stove cu a peg ana candela. Na yegada di e patruya mesora nan mes a logra paga e candela pero e tanki di gas chikito a sigui leak gas. Presencia di bomber no tabata necesario pa paga e candela pero si pa atende cu e leakmento.



Polis a detene homber pata pata sinta abao riba vloer banda di e logo di Aruba na Palm Beach



Diadomingo madruga a drenta informe di cu lo tin un homber pata pata sinta riba vloer banda di logo di Aruba na Palm Beach, mesora a dirigi un patruya na e sitio. Na yegada di e

patruya nan a purba yud'e cu poco awa pa e lanta pero ni esey a yuda y a pidi e vehiculo di transporte. Pa su mesun seguridad y di otro nan a detene y dun'e un cuarto gratis pa e recupera.



BO SANGER TA SALBA BIDA!



587 0002



Stichting Bloedbank Aruba



STICHTING
BLOEDBANK
ARUBA

www.bloedbankaruba.aw



**HOPI PREMIO ● BON DI GASOLIN ● CARCHI TELEFON
CASH AFL 1500 ● SIGNO ● PRONOSTICO 2023**

**DEC
30**

**E 95 MIHORNAN DI AÑA
TOP 95 FM | TV 22**

**10AM-
9PM**

Cas di bagamunderia atrobe a haya bishita di polis

Shiribana - Diasabra ariba Bispo di Pasco polisnan a bay cas di e conocido De Mey, situa pabou di Loxing Supermarket.

Eynan lo tawata tin un pelea formal cu lo a bay te ariba caminda, unda cu un di esnan involvi lo a keda benta un rato asina ariba caminda.

Na yegada di polis tur cos tawata normal bek manera nada un pasa, por a mira e adictonan paden pa drecha cas etc etc.

Na final, polisnan a haya nan mes ta bandona e sitio debi cu niun hende



kier papia cu polis.

Den e caso aki, ta keda un "vraagteken" di kiko exactamente a sosode.

Despues cu a autoridad a pasa hopi rato ta busca; chauffeur di Lexus ta aparece

Shaba - Pasco anochi despues cu e Lexus a bolt'er ariba Avenida Nelson O.Oduber y bay cay den e greppel, unidadnan di rescate a busca cu alma cu curpa pa e chauffeur "perdi".



E incidente aki a sosode den careda di 9'or y manera nos a bisa caba hopi esfuerso a wordo hinca den e accidente aki.

Den careda di 11'or un persona a yega warda di Shaba y ta conta cu e lo tawata cu e Lexus, o sea e tawata

na stuur.

Polis di trafico despues di a termina cu investigacion a dirigi su mes pa warda

di Shaba pa papia cu e chauffeur.

No ta conoci si den ley ta existi un of otro sancion



Doño a fia un amigo su auto y un amigo di e amigo a haya e yabi na e switch y a sali bay accidenta cu e auto



Diadomingo merdia a drenta informe di un accidente na Tanki Leendert, mesora a dirigi un patruya na e sitio. Na yegada di e patruya a bin compronde

cu aki ta trata di un accidente hit & run unda un Chevrolet Aveo a perde control y a bay dal riba e cura di un cas y e chauffeur a bandona e sitio. Na e

momentonan ey a yega un persona cu a para responsable y a bisa cu un amigo di dje bebiendo na su cas a sali bay cu e auto cual tabata tin e yabi na e switch

y na un dado momento no mucho leu ela accidenta y a bay for di e sitio pero e bumper cu plachi number a keda atras. Djey ela core bay cas di su amigo laga

e auto kibra y a bay for di e sitio. E auto mes ta un auto fia di un otro amigo. Afortunadamente ningun hende a resulta herida.

Ford Explorer birando na un cruzada a brake di golpi y un auto a bay dal su tras

Diadomingo merdia a drenta informe di un accidente unda esnan involvi lo a cuminsa pleita cu otro na Paradera, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un Ford Explorer birando na e cruzada y como na e cruzada tabata tin un auto mal para pa sortea

e chauffeur di e Explorer a brake di golpi y tras di e Explorer tabata tin un Lexus cual no a logra para na tempo y a bay dal su tras.

Despues di a accidente a start un pleitamento na e sitio pa cual a pidi presencia di polis.

Afortunadamente ningun hende a resulta herida.



Tres turista deteni na Airbnb situa na Sombre, un lo a wordo hinka



Sombre - Diabierna anochi pasa di 11'or bisiñanan di un Airbnb na Sombre a yama polis desespera, bisando cu e adres na banda tin masha hopi gritamento mes.

Polis cu a yega cu urgencia mesora a pidi refuerzo, mirando cu tawata un problema entre un grupo di turista. Eynan lo tawata tin un pelea formal entre algun homber.

Na nos yegada nos por a

constata un di e personanan na sanger.

Transportwagen a yega y eyden esun na sanger a wordo hinca, mientras e otro nan a bay den patruya mes.

Tur a wordo hiba warda di polis na Macuarima, unda cu eynan ambulance lo mester a bay atende esun herida.

Segun nos a compronde

cu esun herida lo a wordo hinca cu forki.

Departamento tecnico a wordo pidi na e adres situa na Sombre, pa conduci

un investigacion di e caso serio aki.

Na e sitio nos a wordo acerca pa un bisiña cu a bisa nos cu nan no por mas

cu e sorto di hendenan cu ta bin keda eynan, masha hopi biaha tin problema eynan. Y esaki ta causa masha hopi molester mes pa esnan cu ta biba rond.

Durante patruya polis a topa cu un otro accidente hit & run y cu hende herida



Diasabra anochi un patruya a topa cu un accidente hit & run cu a caba di sosode na e cruzada Caya ing. Roland H. Lacle/

Van Leeuwenhoekstraat. Ademá e chauffeur di pick-up cu si a keda a resulta herida y a pidi un ambulans p'e victima. E

auto cu a a core bay tabata un auto Opel color blauw cual no a duna preferencia na e pick-up y despues di e impacto a bay for di e sitio.



Den cercanía polis a logra haya un bumper cu 2 diferente number di auto pero ningun di 2 number tabata cuadra.

Na yegada di e ambulans nan a atende e victima cu tabata keha di dolor di lomba y a transporte pa hospital.

Homber basta cansa pasco anochi tabata trece su bida na peliger riba caminda



Algun persona a tuma nota di un homber hopi cerca di caminda diadomingo anochi den un forma peligroso y a informa polis di biaha di e sucedido.

Polis a presenta rond di

e rotonde na Palm Beach buscando e persona y poco panort a topa cu e homber banda di caminda, no por a laga e persona sigui riba e caminda debi e tabata basta bou influencia di alcohol. A opta pa dune un



cel pa e sosega e culpa evita di haya su mes den desgracia riba caminda.

Hopi daño material na e rotonde di Cumana, despues cu pick up a subi esaki



Rotonde Cumana - Diabierna anochi rond di 11'or polis y ambulance a bay rotonde di Cumana, unda un Toyota pick up a subi ariba dje.


E pick up biniendo di zuid, pues tambe for di ariba Watty Vos Boulevard en-

bes di stop a sigi strit, subiendo e rotonde y keda pega ariba esaki.

Polis di trafico y ambulance a presenta na e sitio, unda cu Paramediconan a opta pa transporta e chauffeur masculino pa Hospitaal.

Na e sitio nos a compronde cu probablemente cansansio a hunga un rol, causando cu e chauffeur lo a pega soño y bay dal contra e rotonde.

Daño material ta grandi, tanto na e rotonde y na e pick up.




E team encarga cu Watty

Vos Boulevard tambe a wordo avisa.

Polis a duna chauffeur burachi coriendo malo riba caminda un lift pa su cas

Diadomingo merdia ora cu un patruya bayendo un accidente na Paradera a tuma nota di un Suzuki Swift coriendo malo su dilanti casi ocasionando un accidente, mesora a dun'e señal pa para y a bay atende cun'e. Polis a nota cu e ta burachi y pa su mesun seguridad y di otronan a dun'e un prohibicion pa sigui stuur y a dun'e un lift pa su cas mientras despues di algun ora e por pas ana warda di



Santa Cruz busca su yabi ora e bira sobrio.



Pa su mesun bon y di otronan polis a detene persona burachi na Palm Beach

Durante patruya polis-
nan atento di distrito 2
(Noord) a bin topa un
chauffeur burachi, pa su

mesun seguridad y di
otronan a detene y a bay
cun'e na warda di polis .




Pasco anochi un persona a yama polis pa su ruman muhe cu a bira di cabes

Boliviastraat, Oranjestad:
Pasco den oranan di ano-
chi un persona a haye ob-
liga di yama polis pa un
ruman muhe cu lo a bira
di cabes den cas, apar-
entamente lo a bira hopi
agresivo tambe. E ruman
lo tin un yiu chikito y su
actuacion tabata forma
peligro pa e criatura y tur
cu ta bibando den e cas.
Mesora a manda varios
patruya na e cas. Na yega-
da polis hopi lihe a ripara
cu e ruman muhe no kier
a calma y no a keda polis
nada otro cu detene y pidi
pa un transportwagen pa
asina transport'e pa war-
da di polis.



Paga bo cuenta
online ta facil

Sea
Abonnement
of Aviso



Pa hasi pago online pone nomber y adres na
cuenta di banco RBC Sunmax Printing
account # 7700000100152447


Polis a bay pa homber drumi den auto den e parkinglot di Caribbean Palm Village



Diasabra madruga a drenta informe di cu tin un homber drumi den parkinglot di Caribbean Palm Village, mesora a dirigi un patruya na e sitio.

Na yegada di e patruya a bin compronde cu aki ta trata di un homber basta cansa y polis a lant'e y pa su mesun seguridad y di ottronan a dicidi pa bay cun'e.

Polis a detene chauffeur burachi coriendo basta malo riba caminda



Ora polis a bay controla e chauffeur a bin resulta cu e ta bao influencia

di alcohol y a detene pa asina kita un peligro mas for di riba caminda.

Diasabra anochi a drenta informe di cu tin un auto coriendo masha malo mes riba e caminda di L.G. Smith blvd., mesora a dirigi un patruya

na e sitio. Na yegada di e patruya a bin compronde cu aki ta trata di un caso unda e persona cu a yama polis a nota un auto coriendo masha

malo mes riba caminda y a yama polis pero mirando e peligro cu esaki ta pa trafico e mes a haci e intent y a logra par'e pa polis.

Clasificados




SOLODIPUEBLO@GMAIL.COM
CEL. 585 9500



Preparacionnan herbal pa calma dolornan menstrual

Bo ta di esnan cu a purba varios medicamento y ainda asina bo no a logra calma e dolornan menstrual di tur luna?

Cada luna, muhernan ta enfrenta e ciclo menstrual. E ta consisti den elimina y expulsa un ovulo cu no a fecunda.

Dicho proceso ta caba cu un hemoragia conoci como menstruacion, periodo of regla. E ciclo aki ta wordo considera un fenomeno natural, manera halamento di rosea of e proceso di digestion.

Sin embargo, e molester di menstruacion ta varia segun e hende muhe.

Ora cu e periodo menstrual ta hopi doloroso, e sa denomina dismenorea of colico menstrual.

Esaki ta presenta sintomanan manera dolor den e matriz, dolornan fuerte den e parti abao di e abdomen, mareo, nausea y dolor parti abao di e lomba.

E infusionnan herbal por yuda di manera natural den combati e sintomanan aki cu e mesun eficacia cu e medicamentonan.

Ginger pa calma coliconan menstrual

Ta comproba cu e uso di ginger ta mas efectivo cu e uso di medicamento pa calma e coliconan menstrual, manera Ibuprofen.

Un bebida recomenda pa e tratamiento di coliconan menstrual ta e mescla di ginger cu canebloem.

Ingrediente

- 1 1/2 cup di awa (375ml)
- Un cuchara di ginger raspa of na polvo (15g)
- Un cuchara di blachi of flor di canebloem (manzanilla) (15g)

Preparacion

- Mescla e ingredientenan anterior den un recipiente hunto cu awa.
- Keinta y laga esaki herbe durante cinco minuut.
- Ora cu e tempo indica pasa, kit'e di candela y laga e solucion resultante fria durante por lo menos 10 minuut.
- Cola y haci'e dushi na gusto.



- Ta importante tuma dos of tres cup di e infusion aki pa dia pa calma e coliconan menstrual.

Cane (Canela, Cinamon)

Cane tin propiedadnan cu ta permiti disminui e molestarnan causa pa dismenorea.

Tambe e ta controla e sangramento menstrual excesivo, nausea, sacamento y dolornan abdominal.

Ingrediente

- 1 1/2 Cup di awa (375 ml)
- 2 of 3 taki di cane

Preparacion

- Keinta e awa den un container.
 - Una bes cu esaki ta herbendo, agrega e takinan di cane y laga esaki fusiona por lo menos pa un minuut.
 - Kit'e di candela, tap'e y lag'e reposta pa un periodo di cinco minuut.
 - Despues col'e, haci'e dushi na gusto y bebe.
- Durante e periodo y pa calma e coliconan menstrual, ta recomendabel bebe di dos pa tres tasa di e infusion aki pa dia.

Rosemarijn

Un investigacion realisa na Mexico a postula e propiedadnan benéficos cu rosemarijn tin pa e organismo.

Entre nan ta destaca su uso como calmante di e coliconan menstrual.

Albahaca of basil

Albahaca of basil tambe ta permiti disminui e molesternan origina pa e coliconan menstrual, y hasta por suplanta e uso di medicamento den e casonan aki.

Un investigacion haci na Colombia a demostra, unda ademas ta resalta cu e "yerba aki or ta un alternativa util den e tratamiento di desminorea."

Por probecha albahaca di diferente forma, y hasta e por wordo añadi den platonan di cuminda.

Ingrediente

- 1 1/2 cup di awa (375 ml)
- 2 cucharadas di albahaca (30 g)



Ademas, e ta regula e periodo menstrual.

Ingrediente

- 1 1/2 cup di awa (375 ml)
- 1 cucharada di yerba di rosemarijn (15 g)

Preparacion

- Keinta e awa y ora cu yega na e punto di herbemento, agrega e cuchara di yerba di rosemarijn.
- Kit'e di candela, lag'e reposa pa un periodo di dies minuut, cola e bebida y haci'e dushi na gusto.
- Ta recomenda pa consumi igualmente di dos pa tres cup pa dia.

Otro forma di contraresta e efecto di e coliconan menstrual, ta pone e bebida recien herbi den un recipiente y inhala e vapor di esaki.

Preparacion

- Keinta e awa hunto cu e albahaca dentro di un recipiente.
- Ora cu e cuminsa herbe, kit'e di candela y lag'e fria.
- Haci'e dushi na gusto y bebe den cupnan chikito cada ora y mey pa alivia e molesternan di menstruacion.

Lubida di e coliconan menstrual cu remedinan tradicional

E infusionnan aki ta yuda ekilibra y baha e efectonan causa pa e coliconan menstrual.

Ta resulta un excelente opcion si bo busca den reduci e consumo di kimiconan pa lidia cu e problema. Corda complementa e tratamiento di e dismenorea siguiendo un dieta saludabel.

Tambe, e practica di actividad

Polis y ambulans a bay Lago Heightstraat pa un



Diadomingo madruga a drenta informe di cu un dama a bay off y no ta bin bij durante un fiesta na Lago Heightstraat, me-sora a dirigi tanto polis como ambulans na e sitio. Na yegada di e patruya a bin compronde cu durante e fiesta un hende lo a saca un cuchiu p'e y e lo a bay

off pero na e momentonan ey ya ela bin bij y ta muestra manera cu e lo a consumi mucho alcohol.

Un rato despues e mesun persona cu lo a saca cuchiu a regresa y lo a menasa atrobe. Polis a papia cu esun envolvi pa stop cu e cos aki.



Tres auto envolvi den boksmento na Sero Preto



Sero Preto Paradera - Diabierna mainta polis a bay Sero Preto situa na Paradera, un a sosode un accidente entre 3 auto.

Na yegada di polis dos auto tawata ariba caminda ainda, mientras e di 3 tawata staciona dilanti di

un cas.

E autonan envolvi tawata Hyundai Getz, un Mitsubishi stationwagon y un Toyota Passo cu tawata staciona na un cas.

Na e sitio nos a compronde cu e Hyundai Getz binien-



do di pariba a bira dilanti e Mitsubishi, causando e a boksmento pa na final bay dal e Toyota Passo staciona.

Polis a haya e chauffeur sinta ariba un stul den

fresco, y e agente di trafico a nota cu e cabayero a dal su cabes debi cu e tawata tin un rasca no mucho grandi.

A solicita pa un ambulance y na yegada Para-

mediconan a hayanan ta bay den algun minuut bek. E chauffeur no tawata desea asistencia di Paramediconan.

Nan a bise pa firma cu e la nenga ayudo, pero e no a haci esaki tampoco.

Clasificados

AUTOSINMUEBLESARTICULOSNEGOCIOSSERVICIOSEMPLEOS

SOLODIPUEBLO@GMAIL.COM

585 9500

www.SOLODIPUEBLO.com

Servicio na Comunidad	
Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782
Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913
Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000
Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	588-9999
Koningin Wilhelmina Fonds	582-0412
Fundacion pa nos mucha nan	583-4247

Pa abona na
SOLO DI PUEBLO

Yama
585 9500

Manda nos un e-mail na
solodipueblo@gmail.com



Entrega tur dia te den bo port'i cas

Oracion di dia

Un dia fructifero y cu Dios colma boso cu Su amor, gracia y paz.

Lag'E guia Bo Pueblo cu husticia y parti derecho pa Bo pobernan.
(Salmo 72, 2)

Rumannan, Nos a caba di inicia e temporada di Advent. E temporada caminda nos ta prepara y spera riba e nacemento di Cristo Hesus. Maske cu nos tin 4 siman dedica na Advent, nos bida completo ta un espera. Nos ta prepara y warda e di dos binida di Cristo. Den e preparacion aki di nos bida, nos ta encontra hopi obstaculo, tentacion of desviacion. Pa esaki nos tin cu wanta mas duro na e zom di Señor Su bisti. Keda pidi Tata pa proteha y rescata e pueblo cu ta sigui donan di Cristo for di e gara di e enemigo. E enemigo tin ganashi cu esnan cu no kier biba nan Advent ta prepara y spera. Nos hamas por permiti e malvado canta victoria riba nos. Tur lo contrario, sigui hancra na Señor y nos lo keda rescata.

Oracion: Mi Dios y mi Rey, mi ta adora Bo y duna Bo tur Honor y Gloria. Mi kier a pidi Bo Señor pa tene Bo man santo y protector semper riba Bo yiunan Tata. Tene nos cerca di Bo curason y bou di Bo mantel pa asina nunca e enemigo por alcanza nos. Yena nos cu fe y curashi pa sigui cana nos caminda di Advent sin doblega.

Esaki nos ta pidi Bo den e nomber di Hesus. Amen.





Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado : Sorteo 24 Dec 2022 Anochi

CATACHI	LOTTO 5	10-16-18-20-22
Sorteo # 7827	Sorteo # 2348	Joker 4 Letter L
9384	0 x Jackpot	Proximo Jackpot
3265	0 x Match 4+	240.000,-
8320	0 x Match 4	
MULTI-X	128 x Afl. 12,00	
X2		
BIG 4		
Sorteo # 6871	LOTTO DIA	18-21-22-23-30
3266	Sorteo # 5986	Proximo Jackpot
	0 x Jackpot	55.000,-
	2 x Match 4	
	120 x Afl. 8,00	
1OFF		
Sorteo # 1576	MEGA	
7885	Sorteo #	Mega Ball
	0 x Jackpot	Proximo Jackpot
	0 x match 4	500.000,-
	0 x Afl. 500,00	
	0 x Afl. 50,00	
	0 x Afl. 15,00	
ZODIAC	MEGA	Afl. 700.000,-
Sorteo # 5630	MEGA PLUS	
0837		
Cancer		
LUCKY 3	KORSOU	
Sorteo # 560	Sorteo #	
256		
MULTI-X		
FP		



Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado : Sorteo 24 Dec 2022 Merdia

CATACHI	LOTTO 5	
Sorteo # 3780	Sorteo #	Joker Letter
8287	0 x Jackpot	Proximo Jackpot
5298	0 x Match 4+	230.000,-
7018	0 x Match 4	
MULTI-X	0 x Afl. 12,00	
X2		
BIG 4		
Sorteo # 3780	LOTTO DIA	
3322	Sorteo #	Proximo Jackpot
	0 x Jackpot	54.000,-
	0 x Match 4	
	0 x Afl. 8,00	
1OFF		
Sorteo # 1836	MEGA	
2466	Sorteo #	Mega Ball
	0 x Jackpot	Proximo Jackpot
	0 x match 4	500.000,-
	0 x Afl. 500,00	
	0 x Afl. 50,00	
	0 x Afl. 15,00	
ZODIAC	MEGA	Afl. 700.000,-
Sorteo # 3780	MEGA PLUS	
2100		
Aquarius		
LUCKY 3	KORSOU	
Sorteo # 654	Sorteo #	
316		
MULTI-X		
X2		

TA BENDE puppies




shitzu 4 machos cla pa bai.
Nan ta sin vacuna pa 800 fl so.
Pa personan interesada

BON PASCO & AÑA NOBO 2023



25 Cróquets 30 fls
25 Cheez Balls 30 fls
10 Ajacas 6x1 60 fls
15 Ajacas 5,50 82,50 fls
25 Ajacas 5,25 131,25 fls
50 Ajacas 5 250 fls

Pa Pedidos Jama nos 7488897
DELIVERY TA GRATIS



PRONOSTICO DI TEMPO

PRONOSTICO DI TEMPO

VALIDO TE DIAMARS 27 DI DECEMBER 2022, 18:00 ORA

TEMPO:

AWE NOCHI: PARCIALMENTE NUBLA Y GENERALMENTE SECO
DEN MARDUGA Y MAYAN:LEVE TE PARCIALMENTE NUBLA CU
LOCALMENTE UN AWACERO PASAJERO.

TEMPERATURA MAXIMO 30 GRADO CELSIUS
TEMPERATURA MINIMO 25 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 31 PA 34 GRADO CELSIUS
UV INDEX: 8

BAHADA DI SOLO : 6:22 PM
SUBIDA DI SOLO : 6:59 AM.

BIENTO: MODERA FOR DI DIRECCION oost;
FORSA 3 TE 4 (12 TE 30 KM/ORA, 7 TE 16 NUDO)
DEN DIA BASTA FUERTE TE FUERTE DEN RAFAGA:
FORSA 5 TE 6 (31 TE 50 KM/ORA, 17 TE 27 NUDO)

SITUACION GENERAL DI TEMPO PA PROXIMO 24 ORA:
E AREA DI PRECION HALTO RIBA ATLANTICO LO SIGUI
DOMINA E TEMPO DEN PROXIMO 24 ORA CU UN BIENTO
MODERA TE BASTA FUERTE, FUERTE DEN RAFAGA.
TRANSPORTE DI HUMEDAD CU E BIENTO LO SIGUI
Y LO PONE CU DE BEZ EN CUANDO HOPI NUBIA
LO PASA RIBA REGION LOCAL. LOCALMENTE POR
SPERA UN AWACERO PASAJERO TE BREVE.

CONDICIONAN MARITIMO/ ESTADO DI LAMA:
NA PARTINAN PROTEJE DI COSTA: LEVE, ENTRE 0 Y 1 PIA.
NA PARTINAN ZUID: TRANKIL, ENTRE 1 PA 2 PIA.
NA PARTINAN OOST TE NOORDWEST DI COSTA:
MODERA TE LOCALMENTE POCO BRUTO;
ENTRE 5 PA 6, LOCALMENTE 7 PIA.

AVISO/ ALERTA:

UN AVISO PA BOTO CHIKITO TA NA VIGOR PA PARTINAN OOST
TE NOORDWEST DI COSTA. ADEMAS TA PIDI OPERADORNAN DI
BOTO CHIKITO PA BAI CU CAUTELA RIBA LAMA HABRI. TAMBE
TA PIDI USUARIONAN DI LAMA PA BAI CU CAUTELA DEBI
NA E BIENTO RELATIVAMENTE FUERTE CU LO HACI LAMA
LOCALMENTE POCO BRUTO.

FENOMENONAN SPECIAL: NINGUN

POTENCIAL DI AWACERO PA PROXIMO 24 ORA:
1 TE 3 MM; LOCALMENTE ESAKI POR VARIA.

REGISTRACION DI TEMPERATURA (GRADO CELSIUS) Y
AWACERO (MM) DEN ULTIMO 24 ORA (8'AM PA 8'AM):

AIRPORT : MAX 30 / MIN 23 / 3.4 MM
WESTPUNT: MAX 30 / MIN 24 / 2.7 MM
STA ROSA: MAX 30 / MIN 24 / 3.5 MM

PRONOSTICO DI TEMPO PA PROXIMO 3 DIANAN:
LEVE TE PARCIALMENTE NUBLA CU UN AWACERO BREVE.
BIENTO LO TA FOR DI DIRECCIONAN OOST Y MODERA
TE BASTA FUERTE, POSIBLEMENTE FUERTE DEN RAFAGA;
TEMPERATURA (GRADO CELSIUS) MAX / MIN LO TA: 30 / 25

FORTALEZA PA FAMILIA

Scirbi pa Pastor Marcel Balootje.

TRAS DI E PALABRA PORDON, TIN UN MON- TON DI BENDICION


Dios tene mi-
sericordia, e
mundo ta yena
cu Odio, Ven-
gansa, Rabia,
Orguyo, En-
emistad, y mas
cu tur cos falta
di pordon, cual
ta separa hen-
de for di otro y
tambe ta dividi
familia.

Falta di pordon
ta asina obvio
cu e no por wordo scondi
mas, pasobra hasta den un
speech y forma di expresa
bo ta nota si un persona tin
falta di pordon y amargura
a ataca su curazon.(Marco
11 v 25)
Hopi tristo ta e falta di por-
don cu ta existi entre mayor
y yiu, pasobra un mucha
mester di su mayornan pa
un bon crecimiento spiri-
tual y social.(2 Corintionan
2 v 10-11)
Di otro banda nos ta mira
cu dia pa dia hende ta pa-
pia malo di otro, acusa,
insulta, bully, rebaha, y re-
chasa otro manera ta un
celebracion, pasobra tin
hende ta kere cu ora bo
rebaha bo prohimo bo ta
wordo premia como un bon
persona.(Proverbionan 24
v 17)

Den Mateo capitulo 5 vers
22 Hesus ta bisa : Ken cu
bisa "Bobo" lo ta culpabel
pa bay den candela di fier-
no. Si nos wak bon awendia
ofensa mas fuerte cu bobo
ta cay contra otro, y hende
no tin temor di Dios.

1 Juan capitulo 3 vers 14 ta
bisa : Esun cu no ta stima
ta permanece den morto,
saca bo cuenta cuanto hen-
de tin ta cana rond masha
bunita, pero nan ta morto
spiritual pasobra den nan
curazon tin odio contra nan
prohimo.

Dios ta wak e asunto hopi
mas serio cu nos ta mire,
pasobra Dios su palabra ta
bisa cu sin paz y sin san-
tidad ningun hende lo mira
cara di Dios.(Hebreonan
12 vers 14). Asina ta cu nos



relacion cu Dios no por ta
bon si tin falta di pordon
den nos curazon.

1 Juan capitulo 3 vers 15 ta
bisa : Ken cu ta odia su ru-
man ta un matado, y boso
sa cu ningun matado no tin
bida eterno ta permanece
den dje.

Awor esaki ta hala nos aten-
cion, pa cambia nos vocab-
ulario y wak bon kico nos ta
papia den cas, oficina, scol,
etc y con nos ta expresa nos
mes contra otro, pasobra
sembrando odio bo ta aleha
bo mes for di hende y for di
Dios.

Efesios capitulo 4 vers 29
ta bisa: No laga ningun pal-
abra dañino sali for di boso
boca, sino solamente pal-
abra cu ta bon pa edifica-
cion, conforme e necesidad
di e momento, pa esaki por
duna gracia na esnan cu ta
tende.

Mateo capitulo 6 vers 14 +15
ta splica nos cla cu si nos no
pordona, Dios tampoco ta
pordona nos, un hende cu
no ta pordona, no ta crece
spiritualmente, ni tampoco
un persona cu ta odia no
por dreña cielo pasobra
bida eterna no ta perman-
ece den dje.

Si bo no ta pordona ta abo
mes ta esun prome cu ta
sali perhudica, bo tin cu
pordona y laga los, for di e
cosnan bieuw, pa bo cura-
zon por ta limpi dilanti di
Dios.(Colosensenan 3 v
12+13).

Na e momento cu un hen-
de pordona di curazon, su
wowo lo habri pa e mira
e monton di bendicion cu
Dios tin pa su bida.(Lucas 6

TIGER TAEKWONDO CU NOCHI DI PREMIO



Den The Ballroom na Oranjestad, Tiger Tae-

kwondo Academy a tene su celebracion di Pasco pa

e alumno-, mayor-, colaboradornan y e team completo di e academia. E MC tawata Addonsito Croes. Masternan Teofilo Rodriguez y Jason Ridderstaat a gradici cada persona cu a sostene e academia den 2022. E anochi aki a tuma tambe despedida di e dos super atletanan Mathias y Camila Cedeño cu pronto lo bay biba na Madrid. Tambe a entrega plakkaat na Marlon Petrocchi, Theo Miése, Demian Gibbs, Veronique Lugo y Randolph Blanco pa e cooperacion incondicional.

PREMIONAN:

- Atleta masculino nacional: Matias Cedeño
- Atleta masculino Internacional: Janoah Ridderstaat
- Atleta mas disciplina: Sue-Jeen Kelly
- Atleta femenino nacional: Kayleah Kelkboom
- Atleta femenino internacional: Khaleesy Ridderstap
- Atleta mas destaca: Payton Sibilo
- Cadete nacional femenino: Camila Cedeño
- Cadete nacional masculino: Kaydion Kelkboom
- Cadete internacional femenino: Aleysha Masea

ATLETANAN y COACH di 2022

- E atletanan di año 2022 a resulta Alesha Masea y Janoah Ridderstaat.
 - Coach di 2022 Jason Ridderstaat.
- Un mencion special tabatin tambe pa e atleta Kiara Petrocchi cu te cu awe ta un di e atletanan mas internacional di taekwondo



di Aruba.

A cera e anochi cu e cena

navideño prepara pa Master Teo y su señora.

Menasa cu arma di candela pafo di Lekker te hasta tiro a cay

Gang a bolbe pa di dos biaha

Dialuna den oranan di marduga polisnan a presenta dos biaha pafo di lekker bar na Noord pa problema cu menasa di arma. Na e prome ocasion algun persona a menasa cu

arma di candela y te hasta los tiro y a bandona e sitio den dos diferente auto, di cual pa polis e informacionnan tabata conoci. Polis a haya informacion con e personanan tabata bisti.

Despues di 1 ora den careda di 4or marduga

pasa e mes un personanan a presenta y a bolbe menasa y saca arma di candela menasa hendenan. Polisnan a bolbe presenta y asina tene un buskeda. A pasa e caso aki over pa recherche, debi cu ultimo temponan tabatin menasa cu arma pafo di lekker.

Turista cu auto di huur a core tras di tourbus cu a maniobra dal su auto na Alto Vista



Diadomingo merdia a drenta informe di un problema di pleitamento na Alto Vista, mesora a dirigi un patruya na e sitio. Na yegada di e patruya a bin compronde cu aki ta trata di cu un tourbus maniobrando banda di Kapel di Alto Vista lo a mishi cu e auto di huur di e turista y a sali bay. E turista a bay tras di tourbus y despues di un distancia basta largo casi yegando Turibana a logra par'e. Eynan polis a compronde for di e chauffeur di e tourbus cu e no a dal e auto di e turista, pero polis observando e daño a compara e slanan maske e daño ta minimo toch a keda comproba e accidente.



OLIVE
TREE
FUNERAL CARE & CREMATORY

📍 PIEDRA PLAT

NOW
OPEN

Hesus a bisa: “Ami ta resurreccion y e bida. Esun cu kere den mi, lo biba, aunke cu nan a muri”

Cu un sentimento di tristeza profundo, pero gradicido cu por a
comparti bida cu ne, nos ta anuncia fayecimento di :

Señor João Purificação da Silva

Mihor conoci como Juancho

*02-02-1940 – †22-12-2022

Na number di su:

Señora: Conceicao da Silva



Yiunan: João Daniel da Silva y Sonia da Silva-Chica
Jose Paulo da Silva

Nietonan: Daniela Carlo-Chica y Jearuno Carlo
Geraldine da Silva
Christian Jose da Silva
João Daniel da Silva
Michelle da Silva

Bisanietonan: Alexander Pinedo
Jayden Daniel Carlo

Mama di su nietonan: Ana Milena Tamayo

Sobrinonan(na Aruba): Jose Fernandes Perna y famia
Daniel Fernandes Perna y famia
Alvaro Fernandes Perna y famia

Hunto cu demas famia na Madeira y Venezuela, su bisiñanan cerca, su amigonan y conocirnan, y comunidad
Portugues, ta extende un invitacion pa asisti na despedida y entierro:

Diahuebs, 29 di december, di
9or pa 11or di mainta, na Pro Catedral San Francisco.

Despues lo sigui cu e acto di sepultura na santana Catolico na Playa.

Acerca ta informa cu no ta ricibi bishita di condolencia na cas.

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trankil, pa mi bolbe haña forsa”.
Salmo: 23

Cu dolor na nos curason, nos ta participa fayecimento inespera di nos ser stima:

Henry O. Dubero

Miñor conoci como “Jossy”
*28-12-1944 - †22-12-2022



Den number di su:

Ex casa:

Rita van Dobberen

Yiunan:

Sandro Dubero

Ricardo Dubero & Judith Borst

Nietonan:

Marley Dubero

Robin Dubero

Mama di su nietonan:

Wimke van den Berg

Rumanan:

†Jean & †Nicomeda y famia

†Haydee & Luciano (Wichi) Croes y famia

Mena & Ronny Kelly y famia

†Swindo & Ina Dubero y famia

Antje & Benny Vrolijk y famia

Mariana Dubero y famia

Chela & Benny Roga y famia

Lelia y Walter Kelly

Giovanny Dubero y famia

Amigonan di cas:

Rene & Marthy Rodriquez


Shome Kock

Tur sobrino(a)nan, primo(a)nan, comer y compernan, ihanan, bisinjanan y demas famia.


Ta invita pa acto di despedida cual lo tuma lugar na Aurora Funeral Home diaranson 28 di december 2022 di 9’or pa 11’or di mainta. Cremacion lo tuma lugar despues.

Condolencia lo tuma lugar na Aurora Funeral Home diamars 27 di december 2022 di 7’or pa 9’or di anochi.

Nos tin pidi nos disculpa si den tristeza nos por a lubida un of otro famia.



Happy New Year Crossword



Across

1. We bring in the new year with a _____.
3. A symbol of the old year is father _____.
8. The New Year symbol is a _____.
9. We use _____ to make lots of noise on New Year's Eve.
10. We often see a _____ with floats and marching bands on New Year's.
11. The day the new month starts is the _____.

Down

2. December 31 is also known as New Year's _____.
4. At the stroke of _____ it is New Year's Day.
5. We watch _____ that display bright lights and loud sounds.
6. We record dates and months on this _____.
7. The month of the new year is _____.

— el pasado —

terminó anoche

HOY

es otro día

DISFRUTA

todo lo posible

Y SE FELIZ



Suzuki Swift cu 2 ocupante a bolter ariba Watty Vos Boulevard



Watty Vos Boulevard - Diabierna anochi den careda di 11'or varios unidad policial a wordo manda ariba e caminda di WVVB, o sea rotonde Paperclip bay zuid pa un auto cu a bolter.

Na prome instante a pensa cu e chauffeur ta seriamente herida, debi cu e tawata drumi ariba acera, a pensa cu durante cu e auto tawata bolter e por a

wordo saca di dje.

E vehiculo envolvi tawata un Suzuki Swift cu un pareha aden a kita bay na su man drechi dal contra e acera halto pa despues bolter y keda pega contra un cura di cas.

Paramediconan cu a presenta a transporta e homber pa Hospitaal mientras su pareha a ser controla na e sitio mes.




Accidente hit & run dilanti Renaissance despues di a dal tras di auto a core bay for di e sitio



Diasabra anochi a drenta informe di un accidente dilanti Renaissance, mesora a dirigi un patruya na e sitio. Na yegada di e patruya a

bin compronde cu aki ta trata di un accidente hit & run unda despues di a dal tras di un Toyota Yaris e auto a bandona e sitio. Polis a haya e



marca, color y modelo y polis a sali en busca di e auto na e adres unda e ta registra.

MANDATARIO DI ENSEÑANSA Y DEPORTE A REUNI CU REPRESENTANTENAN DI MAYORNAN PREOCUPA

: Siman pasa, Minister Endy Croes despues di a ricibi un carta cu preocupacion di un grupo di mayornan a invita representantenan di mayornan preocupa pa un reunion. Presente na e reunion tabata sra. Grushenca Arends y sra. Cindy Lacle kendenan e siman anterior tabatin un conferencia di prensa unda nan a trece varios preocupacion dilanti referente lesnan cu ta wordo duna na algun scol basico publico cu a lanta hopi preocupacion cerca un grupo grandi di mayornan.

Den nan carta cu nan a manda pa Minister Endy Croes solicitando pa un reunion e grupo representando mayornan preocupa a accentua e.o. introduccion di ideologia di genero den enseñansa basico como preocupacion. Nan a relata cu algun scol basico a hiba muchanan mira un obra teatral cu trasfondo di e ideologia aki sin avisa mayornan. Alabes a hiba muchanan mira pelicula sin avisa mayornan. Otro scolnan ta dunando esaki como les den e materia KDN (bergrijpen lezen) y otro scol a haci gender swap. Durante dicho reunion nan a amplia e.o. riba e temanan ariba menciona den nan carta y a boga pa haya claridad riba e maneho esta beleid di Directie Onderwijs y DPS riba e tema aki.

E representantenan di grupo di mayornan preocupao a trece nan opinion fuerte dilanti cu no por duna mucha les di e materia aki na un edad asina hoben.

y na un edad mas grandi momento nan mente ta mas desaroya lo ta mas usual pa nan por wordo educa riba e tema aki. Despues di a scucha nan cu hopi atencion Minister Endy Croes a splica cu e ta compronde nan preocupacion. E dignatario di Enseñansa a splica tambe cu a busca informacion a traves di Directie Onderwijs y DPS. Berdaderamente algun scolnan ta uza e metodo di “begrijpen lezen” di Hulanda cu nan ta download y e tema aki ta bin dilanti como un topico actual na Hulanda. Tanto DPS y Directie Onderwijs di nan banda a splica cu “begrijpend lezen” no ta forma parti di curriculum. E discusion ta keda ki ora ta e momento pa brinda muchanan conocimiento riba e topico aki.

Hopi ta pensa den scolnan basico ainda no ta prudente y otronan ta pensa esaki ta keda deber di e mayor pa por educa e yiu riba e tema aki y otro ta pensa desde scol secundario. DPS a accentua manera cu e maneho ta actual esta cu e topico aki no ta forma parti di curriculum di Basis Onderwijs.

Scolnan basico mester percura pa cumpli cu e curiculo di acuerdo cu e beleid. Representantenan di mayornan preocupa a keda contento cu den un periodo basta corto y meymey di preparacionnan festivo Minister Endy Croes a traha tempo pa scuchanan.

Manera Minister Endy Croes semper ta bisa cu su portanan semper ta habri pa reuni cu tur hende den comunidad.





ARUBAN BANKERS' ASSOCIATION

SPECIAL ANNOUNCEMENT HOLIDAY OPERATING HOURS

In connection with upcoming holidays, all banks listed below announce the following operating hours:

Friday, December 30th, 2022	All branches will close for the public at 12:00pm*
Tuesday, January 3rd, 2023	All branches are open during regular hours.

*with exception of RBC Bank closing at 2:00pm.

En conexion cu dianan di fiesta, banconan miembro menciona ta anuncia nan siguiente orarionan di servicio:

Diabierna, 30 di december, 2022	Tur sucursal lo cera nan porta pa publico 12:00pm*
Diamars, 3 di januari, 2023	Tur sucursal lo ta habri cu orario normal.


*cu excepcion di RBC cu lo cera porta 2:00PM.






Laga e mucha desaroya

Kia Rio cu dos dama aden a dal contra palo di luz, ambos tawata herida



L.G.Smith Boulevard - Pasco anochi den careda di 11'or polis a bay poco pura altura di Marriott, unda un auto a dal contra un palo di luz.


Na yegada di polis nan ta haya dos dama den e auto, ambos tawata herida.

E damanan lo a caba di labora y nan tawata bayendo cas, unda cu dado momento e chauffeur lo a bira malo causando cu e

Kia Rio bruin a bay na su man drechi y dal contra un palo di luz.

Den e impacto, ambos dama a resulta herida debi cu nan lo no tawata tin seat belt bisti.

Un truck di Elmar cu tawara cerca mesora a bay yuda tambe. Dos ambulance a presenta, unda cu Paramediconan a hiba ambos dama Hospitaal pa tratamento.



Polis di Oranjestad ta duna bek

12 FAMIA LO CELEBRA UN PASCO FELIZ

Yegando na un otro fin di aña Polis di districto 1 Oranjestad ta duna bek un biaha mas na su districto. Desde 2015 a lanta un concepto pa trece felicidad y alegria na famia menos afortuna y tabata e momento ey cu “E Luz di pasco” a nace y bira un realidad.

Cada aña diferente famia di menos recurso ta haya un bishita inespera for di e famia di Cuerpo Policial y altocomisario Sr. Ramon Arnhem. Awe un biaha mas por sigui mira e sonrisa, alegria y emocion di e famianan cu ta haya un macuto grandi di comestibel, ham, galiña pa por pasa un pasco feliz.

E districto di Oranjestad cu ta consisti di polis uniforma, personal administrativo, Bureau Slachofferhulp, Tourism Oriented Police cu a bishita 12 famia den necesidad, pero tambe cu sosten di comercio cu a haci cu Luz di Pasco por a bira realidad un biaha mas.

Bou musica y cu diferente patruya a pasa den cada bario di Oranjestad. Famia a habri nan porta yena cu emocion y alegria na momento cu e patruyanan a yega dilanti nan port'i cas. Cu awa na wowo a gradici e polisnan pa nan gratitud. Polis di nan banda a baila y canta pa cada un famia deseandonan un Bon Pasco y un feliz cambio di aña 2023.

Maske con fastioso y dificil e situacion porta e meta principal ta pa cada famia cu a wordo escohi por celebra un pasco feliz. Yena cada un famia nan curason cu e luz positivo y cu den bida tur hende merece e oportunidad di por celebra un pasco y aña nobo cu dicha, paz y prosperidad.



Pareha a bolter cu auto riba WVB Cumana



Diabierna prome cu 11'or di anochi polisnan a keda dirigi pa un accidente riba e Watty Vos Blvd Sero Patrishi direccion pa Cumana pa un auto cu a bolter cay den un greppel pega cu un cura di cas. Patruyanan a bin topa cu un auto riba su cay den e rooi y un homber benta riba

caminda herida y un señora levemente herida. Segun testigo a mira cu tabatin un problema den e auto y a wak con esaki a bay den banda subi acera y bolter. E homber a keda atendi di biaha pa personal di ambulance.

E rapid responder di ambulance tambe a presenta pa atende cu e dama. Polis di trafico a haci nan investigacion y mira e lastro di brake momento cu e auto a baha caminda y a bin finalisa den e greppel.

Kia Sportage a perde control y bay dal contra un kashi di coriente



LG. Smith Blvd - Diasabra den oranan di mainta polis y ambulance a bay panort di e rotonde di di Guardian Group pa un auto cu a bolter.

Na yegada di polis nan a compronde cu aparentemente e chauffeur di e Kia Sportage lo a bira malo, poniendo cu e la perde control y kita bay na su man drechi.

Den e maniobra e auto a coriente y a keda gekentel . presenta na e sitio a atende cu e chauffeur y despues a bay dal contra un kashi di Paramediconan cu a transport'e pa Hospitaal.

MINISTER ENDY CROES A REUNI CU RECTOR Y DECAAN DI UNIVERSIDAD DI ARUBA

Recientemente, Minister di Enseñansa y Deporte sr. Endy Croes a reuni cu Rector prof.dr. Viola Heugter y Decaan Faculteit der Rechtsgeleerdheid mr.dr. Ruth Bonnevalle di Universidad di Aruba riba diferente topico anticipando alabes aña 2023.

Riba e topico Civiel Effect a amplia:

Manera ta conoci esaki ta un topico cu a wordo trata den e Vierlandenoverleg unda tur cuater Minister tanto di Aruba, Curaçao, Sint Maarten y Hulanda tabata presente y a sostene esaki. Civiel Effect pa studiantenan di Faculteit der Rechtsgeleerdheid (Rechten) di e.o. Universidad di Aruba tin di habery ta significa cu studiantenan di Aruba por ehersa nan trabou mesora como hurista den futuro na Hulanda y no mester di haci vakken extra manera esaki tabata wordo existi antes. Pues ta reconoce desde awor en adelante e igualdad entre studiantenan cu caba Rechten na Aruba mescos cu esnan cu caba esaki na Hulanda. Studiantenan cu termina Universidad di Aruba por bay Hulanda y traha como hurista ayanan. E ultimo paso cu falta pa esaki ta cu ainda Hulanda mester ahusta un parti chikito den su ley pa esaki por drenta na vigor y ta bezig riba e ultimo parti aki awor.

A trata tambe e tema Academic Foundation Year (AFY):

Academic Foundation Year ta un aña cu Universidad di Aruba ta brinda na studiantenan cu a termina Colegio por ehempel y ta tuma un aña di “break” conoci tambe como e “gab year” antes, pero awor ta motiva e studiantenan aki pa haci (1) aña na Universidad di Aruba esta e programa Academic Foundation Year cual ta prepara un estudiante completo prome cu e sigui su estudio sea na Hulanda, Merca of cualkier otro pais. Esaki a resulta di ta un programa exitoso cu e studiantenan ta sali bon prepara y ekipa pa enfrenta nan proximo reto den exterior. Den Vierlandenoverleg den e slotconclusie tur islanan y Hulanda



a bay di acuerdo pa usa e modelo aki mientrastanto pa tur isla. Universidad di Aruba a expresa nan preocupacion cu nan mester mas docente, mentor y sosten administrativo pa aña academico 2023-2024 y nan ta spera hasta poco studiantenan di exterior cu lo join un aña di AFY pa e siguiente aña academico.

Bachelor in Social Work:

Riba e topico aki Universidad di Aruba a splica Minister cu henter e programa aki ta den un proceso di revisacion. Ta explora e aspecto di doorstroom di otro scolnan, ta sondeando un miho conexion di e instructietaal cu e campo di trabou, alabes ta traha mas di cerca cu otro institutonan di enseñansa. Investigacionnan ta tumando luga y expectativa cu e rapport aki lo wordo entrega final di februari 2023 pa asina por tuma decisionnan corecto a traves di datos y investigacion.

Lo inicia cu 2 masteropleiding entre maart y mei 2023:

Entre maart y mei 2023 tin planea pa inicia cu (2) masteropleiding. Tanto OGM (Organization Governance and Management) y SISSTEM (Master of Science in Sustainability for Engineering). Pa OGM tin actualmente 31 estudiante

cu a inscribi caba y pa SISSTEM tin te cu 31 di december 2022 e posibilidad pa inscribi. Pues e oportunidad tey y tur cu kier haal un MASTER tin e posibilidad ainda pa inscribi na Universidad di Aruba e siman aki.

Renobacion y construccion di Maria Convent:

Universidad di Aruba a splica cu UNDP ta hopi leu coordinando e proyecto di renobacion y construccion di e edificio Maria Convent. Un proyecto entre stakeholders manera; Gobierno di Aruba, Economische Zaken, Universidad di Aruba y Universidad di Leuven y un inversion di 5.5 milyon us dollar coordina pa UNDP cual lo inicia prome kwartaal den 2023. Vision ta cu pa aña academico 2024-2025 por cuminsa haci uzo di e edificio aki. Sigur un noticia hopi alentador.

Mental Health program y colaboracion cu IPA ta di vital importancia:

A informa Minister Endy Croes di e importancia pa e colaboracion entre Universidad di Aruba y IPA riba e tema mental health. A cuminsa un programa di cooperacion entre Universidad di Aruba, IPA y EPI. A splica cu pa 2023 lo bay tin mester di fondonan

adicional pa por cubri entre otro coordinador di e proyecto aki. Universidad di Aruba ta conoci cu su mental health program Shoco Wellness.

Universidad y IPA ta estrecha na colaboracion:

Universidad di Aruba a splica cu hunto cu IPA nan a inicia trabounan riba cursonan di idioma. Asina a menciona cu studiantenan di proyecto di Erasmus a sigui cursonan basico den Papiamentu y Hulandes ya pa esnan cu no ta papia Hulandes ta ofrece un curso na Hulandes na su competencia y nivel. Loke ta trata idioma Ingles ta wordo ofreci caba riba diferente nivel y cu Miras den 2023 pa agrega idiomanan nobo den e pakete.

Por ultimo a informa Mandatario di Enseñansa riba un conferencia grandi cu e topico “Small Island State” cual ta den pleno preparacion pa october 2023 unda lo atende topiconan manera “climate change”, “social change” y “islandness” hunto cu University of Prince Edward Island y UNESCO.

Concluyendo Minister Endy Croes a expresa cu e tabata un tremendo reunion unda a trata varios topico y tur na bienestar general di enseñansa y Universidad.